



O'ZBEKISTON RESPUBLIKASI MADANIYAT VAZIRINING BUYRUG'I

Toshkent sh.

№ 38

2022-y "Ok" Ok

Xodimlarning lavozim nomenklaturasini tasdiqlash to'g'risida

O'zbekiston Respublikasi Prezidentining "Madaniyat va san'at sohasining jamiyat hayotidagi o'rni va ta'sirini yanada oshirish chora-tadbirlari to'g'risida" 2020-yil 26-maydagi PF-6000-son Farmoni hamda "O'zbekiston Respublikasi Madaniyat vazirligi faoliyatini takomillashtirish chora-tadbirlari to'g'risida" 2020-yil 26-maydagi PQ-4730-son, "Madaniyat va san'atni rivojlantirishni qo'llab-quvvatlash tizimini yanada takomillashtirish to'g'risida"gi 2021-yil 9-dekabrda PQ-36-son qarorlari, Vazirlar Mahkamasining "O'zbekiston Respublikasi madaniyat vazirligi to'g'risidagi nizomni tasdiqlash haqida" 2021-yil 7-sentabrda 558-son qaroriga muvofiq Madaniyat vazirligi faoliyatini zamon talablari asosida tashkil etish, madaniyat va san'at sohasi bo'yicha malakali mutaxassislarni tanlash, joy-joyiga qo'yish, kadrlar mas'uliyatini oshirish va ularni lavozimlarga tayinlash ishlarini yanada takomillashtirish, shuningdek quyi tashkilotlar rahbar kadrlari bilan muntazam ish olib borishni tashkil etish maqsadida

BUYURAMAN:

1. Madaniyat vazirligining yuqori tashkilotlar tomonidan lavozimga tayinlanadigan va nomenklaturaga olingan lavozimlari ro'yxati 1-ildavaga muvofiq;

Madaniyat vaziri tomonidan qonunchilik hujjatlariga muvofiq tegishli vazirliklar bilan kelishib tayinlanadigan va lavozimidan ozod etiladigan lavozimlar ro'yxati 2-ildavaga muvofiq;

Madaniyat vaziri tomonidan qonunchilik hujjatlariga muvofiq lavozimiga tayinlanadigan va lavozimidan ozod etiladigan lavozimlar ro'yxati 3-ildavaga muvofiq;

Lavozimga tayinlashda Madaniyat vazirligi bilan kelishiladigan lavozimlar ro'yxati 4-ildavaga muvofiq;

Yuqori tashkilotlar hamda Madaniyat vazirligining nomenklaturasiga kiritilgan lavozimlarga nomzodlarni tayinlash va tasdiqlash tartibi 5-ildavaga muvofiq tasdiqlansin.

2. Qoraqalpog'iston Respublikasi madaniyat vaziri, viloyatlar madaniyat boshqarmalari hamda Toshkent shahar madaniyat bosh boshqarmasi boshliqlari, Vazirlik tizimidagi tashkilot, korxona va muassasalar rahbarlari:

mazkur buyruq asosida qonunchilik hujjatlariga muvofiq o'z vakolati doirasida lavozimlar nomenklaturasini ishlab chiqsin va vazirlik bilan kelishgan holda tasdiqlasin;

vazirlik tizimidagi tashkilotlarning tegishli hujjatlariga mazkur buyruq talablari doirasida tegishli o'zgartirish kiritish va tasdiqlatish choralarini ko'rsin;

vazir nomenklaturasidan (vazir tomonidan lavozimga tayinlash va lavozimdan ozod qilish vakolatidagi lavozimlar) chiqarilgan yoki kiritilgan xodimlarning shaxsiy tarkibga oid buyruqlarini, mehnat shartnomalarini va boshqa tegishli hujjatlarini mazkur buyruq talablariga muvofiqlashtirsin;

ish yuritishda mazkur buyruq talablariga qat'iy amal qilish vazifalari yuklatilsin.

3. Kadrlar boshqarmasi (N.Shukurov):

Madaniyat vazirligi nomenklaturasidan (vazir tomonidan lavozimga tayinlanadigan va lavozimdan ozod qilish vakolatidagi lavozimlar) chiqarilgan xodimlar bilan mehnat munosabatlarini qonunchilik hujjatlariga muvofiqlashtirsin;

mazkur buyruqning mazmuni va maqsadlarini vazirlik tizimidagi tashkilotlarning kadrlar bo'limi xodimlari yoki kadrlar ishi yuklatilgan xodimlarga tushuntirish, lozim bo'lsa, seminarlar tashkil qilish vazifalari yuklatilsin.

4. Madaniyat vazirligining 2017-yil 30-iyundagi 406-sonli buyrug'i o'z kuchini yo'qotgan deb hisoblansin.

5. Devonxona (R.Vaxobjonova) mazkur buyruq nusxasini vazirlik markaziy apparat bo'linma rahbarlariga va hududiy boshqarma boshliqlariga yetkazsin.

6. Mazkur buyruq ijrosini nazorat qilish vazir o'rinbosarlari (B.Axmedov, O.Mirzayev, U.Qo'qonboyev) zimmasiga yuklansin.

Vazir



O.Nazarbekov



**Маданият вазирлигининг юқори ташкилотлар томонидан тайинланадиган
ва номенклатурага олинган лавозимлари**

I. Қуйидаги лавозимларга номзодларни тайинлаш ва лавозимдан озод этиш қонунчилик ҳужжатларига мувофиқ Ўзбекистон Республикаси Президенти томонидан амалга оширилади.

1. Вазир.
2. Вазирнинг биринчи ўринбосари.
3. Вазир ўринбосарлари.

II. Қуйидаги лавозимларга номзодларни тайинлаш ва лавозимдан озод этишда қонунчилик ҳужжатларига мувофиқ Ўзбекистон Республикаси Президенти Администрациясининг тегишли хизматлари билан келишилади.

1. Маданият вазирлигининг Таълим муассасалари ва соҳани методологик таъминлаш бошқармаси бошлиғи.

2. Маданият вазирлигининг Театр ва цирк санъатини ривожлантириш бошқармаси бошлиғи.

3. Маданият вазирлигининг Концерт-томоша фаолиятини ривожлантириш бошқармаси бошлиғи.

4. Маданият вазирлигининг Ташкилий-назорат ва таҳлил бошқармаси бошлиғи.

5. Ўзбекистон давлат филармонияси бош директори.

6. “Ўзбекконцерт” давлат муассасаси директори.

7. “Халқлар дўстлиги” санъат саройи директори.

8. Ўзбек давлат цирки директори.

9. Ўзбек миллий мақом санъати маркази директори.

10. Давлат театрлари директорлари ва бош режиссёрлари (Ўзбек Миллий академик драма театри, Алишер Навоий номидаги Ўзбекистон давлат академик катта театри, Ўзбекистон давлат рус академик драма театри)

III. Қуйидаги лавозимларга номзодларни тайинлаш ва лавозимдан озод этиш қонунчилик ҳужжатларига мувофиқ Ўзбекистон Республикаси Вазирлар Маҳкамаси томонидан амалга оширилади.

1. Ўзбекистон давлат санъат ва маданият институти ректори.

2. Ўзбекистон давлат консерваторияси ректори.

3. Ўзбекистон давлат хореография академияси ректори.

4. Юнус Ражабий номидаги Ўзбек миллий мусика санъати институти ректори.

5. Ўзбекистон давлат консерваторияси ҳузуридаги Ботир Зокиров номидаги миллий эстрада институти ректори.

IV. Қуйидаги лавозимларга номзодларни тайинлаш ва лавозимдан озод этиш қонунчилик ҳужжатларига мувофиқ Ўзбекистон Республикаси Вазирлар Маҳкамаси билан келишган ҳолда амалга оширилади.

1. “Ягона бюртмачи хизмати” инжиниринг компанияси раҳбарлари (директор, директор ўринбосари ва бош муҳандис).

**Маданият вазири томонидан қонунчилик ҳужжатларига мувофиқ тегишли
вазирликлар билан келишиб тайинладиган ва лавозимидан озод
этиладиган лавозимлар**

1. Маданият вазирлигининг Ахборот ва матбуот хизмати бошлиғи – Ўзбекистон Республикаси Президенти Администрацияси ҳузуридаги Ахборот ва оммавий коммуникациялар агентлиги.

2. Маданият вазирлигининг Кадрлар бошқармаси бошлиғи – Ўзбекистон Республикаси Президенти ҳузуридаги Давлат хизматини ривожлантириш агентлиги

3. Маданият вазирлигининг Ахборот технологияларини жорий этиш ва рақамлаштириш бошқармаси бошлиғи – Ўзбекистон Республикаси Ахборот технологиялари ва коммуникацияларини ривожлантириш вазирлиги.

4. Маданият вазирлигининг Юридик хизмат ходимлари – Ўзбекистон Республикаси Адлия вазирлиги.

5. Маданият вазирлигига тегишли олий таълим муассасаларининг ўқув ишлари бўйича проректори (филиал директори ўринбосари) – Ўзбекистон Республикаси Олий ва ўрта махсус таълим вазирлиги.

6. Маданият вазирлигига тегишли олий таълим муассасаларининг ёшлар масалалари ва маънавий-маърифий ишлар бўйича биринчи проректори (филиал директорининг биринчи ўринбосари) – Ўзбекистон Республикаси Ёшлар ишлари агентлиги.

7. Маданият вазирлигига тегишли олий таълим муассасаларининг илмий ишлар ва инновациялар бўйича проректори (филиал директори ўринбосари) – Ўзбекистон Республикаси Инновацион ривожланиш вазирлиги.

Маданият вазири томонидан қонунчилик ҳужжатларига мувофиқ лавозимига тайинланадиган ва лавозимидан озод этиладиган лавозимлар

Қуйидаги келтирилган лавозимлардаги номзодлар қонунчилик ҳужжатларига мувофиқ Маданият вазири томонидан тайинланади ва лавозимидан озод қилинади.

1. Маданият вазирлиги марказий аппарати ходимлари (бошқарув ходимлари, техник ва хизмат кўрсатувчилар).
2. Тошкент шаҳар Маданият бош бошқармаси, вилоят маданият бошқармалари ҳамда туман (шаҳар) маданият бўлимлари бошлиқлари.
3. Қорақалпоғистон Республикаси Маданият вазирининг ўринбосари, Тошкент шаҳар Маданият бош бошқармаси ҳамда вилоят маданият бошқармалари бошлиғи ўринбосарлари.
4. Ўзбекистон давлат санъат ва маданият институти, Ўзбекистон давлат консерваторияси, Ўзбекистон давлат хореография академияси, Юнус Ражабий номидаги Ўзбек миллий мусиқа санъати институти ва Ўзбекистон давлат консерваторияси ҳузуридаги Ботир Зокиров номидаги миллий эстрада институтининг барча проректорлари.
5. Ўзбекистон давлат санъат ва маданият институти Нукус, Фарғона филиали, Ўзбекистон давлат консерваториясининг Нукус филиали, Ўзбекистон давлат хореография академиясининг Урганч филиали директорлари.
6. Ўрта махсус, касб-хунар таълим (мактаб) муассасалари директорлари.
7. К.Зарипов номидаги Республика ихтисослаштирилган эстрада ва цирк коллежи директори ва барча ўринбосарлари.
8. Республика мусиқа ва санъат коллежи директори ва барча ўринбосарлари.
9. В.Успенский номидаги республика ихтисослаштирилган мусиқа мактаби директори ва барча ўринбосарлари.
10. Р.Глиэр номидаги республика ихтисослаштирилган мусиқа мактаби директори ва барча ўринбосарлари.
11. Опера санъатига ихтисослаштирилган мактаб-интернати директори ва барча ўринбосарлари.
12. Республика бахшичилик санъатига ихтисослаштирилган мактаб-интернати директори ва барча ўринбосарлари.
13. Бухоро, Қарши, Наманган ва Урганч ихтисослаштирилган рақс мактаб-интернатлари директорлари ва барча ўринбосарлари.
14. Республика хореографияга ихтисослаштирилган мактаб-интернати директори ва барча ўринбосарлари.
15. Республика мақом санъатига ихтисослаштирилган мактаб-интернати, Бухоро, Фарғона ва Хоразм мақом санъатига ихтисослаштирилган мактаб-интернатлари директорлари ва барча ўринбосарлари.

16. Болалар мусиқа ва санъат мактаблари директорлари.
17. “Гулистон” ва “Театр” журналлари бирлашган таҳририяти Бош муҳаррири.
18. “Ўзбекистон давлат филармонияси” давлат муассасаси бош директори ва ўринбосарлари.
19. Ўзбек давлат цирки директори ва ўринбосарлари.
20. “Ўзбекконцерт” давлат муассасаси бош директори ва ўринбосарлари.
21. Республика маданият муассасалари фаолиятини ташкил этиш илмий-методик маркази директори ва ўринбосарлари.
22. “Халқаро фестиваллар дирекцияси” бош директори ва ўринбосари.
23. “Ёш ижодкорларни қўллаб-қувватлаш ва ахборот-мультимедиа маркази директори ва ўринбосари.
24. Республика марказий кўзи ожизлар кутубхонаси директори.
25. “Томоша”, “Дийдор” театр-студияси директори, бадий раҳбари ва бош режиссёри.
26. И.Каримов номидаги Фарғона вилоят театр ва концерт саройи, “Сурхондарё санъат саройи” давлат муассасаси директорлари.
27. М.Турғунбоева номидаги “Баҳор” давлат рақс ансамбли директори.
28. Республика бахшичилик санъати маркази директори.
29. Республика бахшичилик санъати маркази ҳузуридаги Бахшичилик санъатини ривожлантириш жамғармаси директори.
30. Ўзбек миллий мақом санъати маркази директори.
31. Маданият вазирлиги тасарруфидаги барча давлат театрларнинг директори, бадий раҳбари ва бош режиссёри.
32. “Халқлар дўстлиги” санъат саройи директори.
33. “Ўзбекистон давлат симфоник оркестри” давлат муассасаси директори, ўринбосарлари ва бадий раҳбари.
34. Вазирлик тасарруфидаги ҳайвонот боғлари директорлари.
35. “Ягона бюртмачи хизмати” инжиниринг компанияси директори, директор ўринбосари ва бош муҳандис.
36. “Биолардан фойдаланиш ва уларни эксплуатация қилиш дирекцияси” давлат унитар корхонаси директори.
37. Ўзбекистон давлат санъат ва маданият институти ҳузуридаги Педагог кадрларни қайта тайёрлаш ва уларнинг малакасини ошириш тармоқ маркази директори.
38. Ўзбекистон давлат консерваторияси ҳузуридаги Мусиқа соҳаси педагоглари қайта тайёрлаш ва уларни малакасини ошириш маркази директори.

**Лавозимга тайинлашда Маданият вазирлиги билан
келишиладиган лавозимлар**

**Қуйидаги келтирилган лавозимларга номзодлар қонунчилик
ҳужжатларига мувофиқ Маданият вазирлиги билан келишилган ҳолда
тайинланади ва лавозимидан озод этилади.**

1. Ўзбекистон давлат санъат ва маданият институти, Ўзбекистон давлат консерваторияси, Ўзбекистон давлат хореография академияси, Юнус Ражабий номидаги Ўзбек миллий мусиқа санъати институти ва Ўзбекистон давлат консерваторияси ҳузуридаги Ботир Зокиров номидаги миллий эстрада институтининг барча факультет деканлари.

2. Ўзбекистон давлат санъат ва маданият институти Нукус, Фарғона филиали, Ўзбекистон давлат консерваториясининг Нукус филиали, Ўзбекистон давлат хореография академиясининг Урганч филиали директорининг ўринбосарлари.

3. Ўрта махсус, касб-ҳунар таълим муассасалари директор ўринбосарлари.

4. “Гулистон” ва “Театр” журналлари бирлашган таҳририяти Бош муҳаррири ўринбосарлари.

5. М.Турғунбоева номидаги “Баҳор” давлат рақс ансамбли директори ўринбосари.

6. Республика бахшичилик санъати маркази директори ўринбосари.

7. Республика бахшичилик санъати маркази ҳузуридаги Бахшичилик санъатини ривожлантириш жамғармаси директори ўринбосари.

8. Ўзбек миллий мақом санъати маркази директори ўринбосари.

9. Тасарруфдаги барча театрлар директорларининг ўринбосарлари.

10. Республика марказий кўзи ожизлар кутубхонаси директорининг ўринбосарлари.

11. Вилоят кўзи ожизлар кутубхоналари директорлари.

12. “Халқлар дўстлиги” санъат саройи директорининг ўринбосарлари.

13. Вазирлик тасарруфидаги ҳайвонот боғлари директори ўринбосарлари.

14. Вазирлик тизим ташкилотлари, Қорақалпоғистон Республикаси Маданият вазирлиги, Тошкент шаҳар маданият бош бошқармаси, вилоят маданият бошқармалари тасарруфидаги маданият ва истироҳат ҳамда ҳайвонот боғларининг директорлари ва ўринбосарлари.

15. “Биолардан фойдаланиш ва уларни эксплуатация қилиш дирекцияси” давлат унитар корхонаси директори ўринбосарлари.

16. “Ўзбекконцерт” давлат муассасасининг ҳудудий раҳбарлари.

17. “Ўзбекистон давлат филармонияси” давлат муассасасининг ҳудудий раҳбарлари.

18. Вазирлик тасарруфидаги республика ташкилот ва муассасалари, Қорақалпоғистон Республикаси Маданият вазирлиги, Тошкент шаҳар маданият бош бошқармаси, вилоят маданият бошқармалари, вазирлик тизим ташкилотларининг матбуот ва ахборот хизмати раҳбарлари ёки унга тенглаштирилган ходимлари.

19. Вазирлик тасарруфидаги республика ташкилот ва муассасалари, Қорақалпоғистон Республикаси Маданият вазирлиги, Тошкент шаҳар маданият бош бошқармаси, вилоят маданият бошқармаларининг бош бухгалтерлари ёки бош бухгалтерга тенглаштирилган ходимлар.

20. Вазирлик тасарруфидаги республика ташкилот ва муассасалари, Қорақалпоғистон Республикаси Маданият вазирлиги, Тошкент шаҳар маданият бош бошқармаси, вилоят маданият бошқармаларининг кадрлар хизмати раҳбарлари ёки унга тенглаштирилган ходимлар.

21. Вазирлик тасарруфидаги республика ташкилот ва муассасалари, Қорақалпоғистон Республикаси Маданият вазирлиги, Тошкент шаҳар маданият бош бошқармаси, вилоят маданият бошқармаларининг Ахборот технологияларини жорий этиш ва рақамлаштириш хизмати раҳбарлари ёки унга тенглаштирилган ходимлар.

Юқори ташкилотларнинг, Маданият вазирлигининг номенклатурасига киритилган лавозимларга номзодларни тайинлаш ва тасдиқлаш тартиби

I. Умумий қоидалар.

1. Мазкур тартиб қонунчилик ҳужжатларига мувофиқ Маданият вазири томонидан лавозимига тайинланадиган ва лавозимидан озод этиладиган номзодлар билан ишлаш ва ҳужжатларини юритиш тартибини белгилайди.

2. Мазкур буйруқнинг 3-илоvasида келтирилган раҳбар ходимлар билан тузилган меҳнат шартномасини иш берувчининг ташаббуси билан бекор қилинишида (марказий аппаратдагилар бундан мустасно) касаба уюшмасининг розилигини олиш талаб этилмайди.

II. Лавозимга тайинлаш ва озод қилиш.

3. Мазкур буйруқ 1-илоvasининг I, III-бўлимларида кўрсатилган лавозимлар юзасидан ваколатли органларнинг фармон ва қарорларига асосан Маданият вазирлиги томонидан қонунчилик ҳужжатларига асосланган ҳолда маълумот учун қабул қилиш мазмунида тегишли буйруқ расмийлаштирилади.

4. Мазкур буйруқ 1-илоvasининг II, IV-бўлимлари ва 2-илоvasида кўрсатилган лавозимлар юзасидан ваколатли ташкилотларнинг тегишли ҳулосаларига (хатларига) асосан Маданият вазирлиги томонидан қонунчилик ҳужжатларига асосланган ҳолда тегишли буйруқ расмийлаштирилади.

5. Мазкур буйруқ 3-илоvasида келтирилган лавозимларга номзодларни ишга қабул қилиш (лавозимга тайинлаш) ва меҳнат шартномаларини бекор қилиш (лавозимидан озод қилиш) қонунчилик ҳужжатларига мувофиқ Маданият вазирининг буйруғи билан амалга оширилади.

6. Мазкур буйруқ 4-илоvasида келтирилган лавозимларга номзодларни ишга қабул қилиш (лавозимга тайинлаш) ва меҳнат шартномаларини бекор қилиш (лавозимидан озод қилиш) қонунчилик ҳужжатларига мувофиқ Маданият вазирлиги билан келишилган ҳолда тайинланади ва лавозимидан озод этилади.

III. Номзодларни тавсия этиш ва уларнинг ҳужжатларини кўриб чиқиш тартиби.

7. Мазкур буйруқ 1-илоvasи II-бўлимида кўрсатилган лавозимларга номзодларни тайинлаш ва лавозимидан озод қилиш вазирлик структураси бўйича ваколат доирасида вазир ўринбосарларининг тақдимномаси (ҳулосаси, тавсияси)га мувофиқ Ўзбекистон Республикаси Президенти Администрациясининг тегишли таркибий бўлинмалари билан келишилади.

8. Мазкур буйруқ 1-илоvasининг III-бўлимида кўрсатилган лавозимларга номзодларни тайинлаш ва лавозимдан озод этиш Ўзбекистон Республикасининг 2020 йил 23 сентябрдаги “Таълим тўғрисида”ги ЎРҚ-637-сон Қонунини

23-моддаси 1-қисми 12-бандига асосан Ўзбекистон Республикаси Вазирлар Маҳкамаси томонидан амалга оширилади.

9. Мазкур буйруқ 1-иловасининг IV-бўлими 1-бандида кўрсатилган лавозимларга номзодларни тайинлаш ва лавозимдан озод этиш **Ўзбекистон Республикаси Вазирлар Маҳкамасининг 2021 йил 20 майдаги 321-сонли қарори 1-илоvasи билан тасдиқланган “Капитал қурилиш соҳасида буюртмачи хизмати тўғрисида”ги Низомнинг 23-бандига асосан Вазирлар Маҳкамасининг Худудларни комплекс ривожлантириш, коммуникациялар, қурилиш ва уй-жой коммунал хўжалиги масалалари котибияти билан келишган ҳолда, Қурилиш вазирининг тақдимномаси асосида Ўзбекистон Республикаси Маданият вазири буйруғи асосида амалга оширилади.**

10. Мазкур буйруқ 2-иловасининг 1-бандида кўрсатилган лавозимларга номзодларни тайинлаш ва лавозимдан озод этиш Ўзбекистон Республикаси Президенти Администрацияси ҳузуридаги Ахборот ва оммавий коммуникациялар агентлиги директорининг 2019 йил 26 августдаги 324-сон буйруғи билан тасдиқланган, Ўзбекистон Республикаси Адлия вазирлиги томонидан 2019 йил 3 октябрда 3187 рақами билан рўйхатдан ўтказилган “Давлат органлари ва ташкилотлари ахборот хизмати раҳбарини лавозимга тайинлашни Ўзбекистон Республикаси Президенти Администрацияси ҳузуридаги Ахборот ва оммавий коммуникациялар агентлиги ёки унинг ҳудудий бошқармалари билан келишиш, уларни аттестациядан ўтказиш ҳамда иш самарадорлигини баҳолаш тартиби тўғрисида”ги Низомига асосан Ўзбекистон Республикаси Президенти Администрацияси ҳузуридаги Ахборот ва оммавий коммуникациялар агентлиги билан келишилади.

Мазкур буйруқ 2-иловасининг 2-бандида кўрсатилган лавозимларга номзодларни тайинлаш ва лавозимдан озод этиш Ўзбекистон Республикаси Президентининг 2019 йил 3 октябрдаги “Ўзбекистон Республикасида кадрлар сиёсати ва давлат фуқаролик хизмати тизимини тубдан такомиллаштириш чора-тадбирлари тўғрисида”ги ПФ-5843-сонли фармониға асосан Ўзбекистон Республикаси Президенти ҳузуридаги Давлат хизматини ривожлантириш агентлиги билан келишилади.

Мазкур буйруқ 2-иловасининг 3-бандида кўрсатилган лавозимларга номзодларни тайинлаш ва лавозимдан озод этиш Ўзбекистон Республикаси Вазирлар Маҳкамасининг 2018 йил 1 май кунидаги “Ўзбекистон Республикаси ахборот технологиялари ва коммуникацияларини ривожлантириш вазирлиги ҳамда Ўзбекистон Республикаси ахборот технологиялари ва коммуникацияларини ривожлантириш вазирлиги ҳузуридаги алоқа, ахборотлаштириш ва телекоммуникация технологиялари соҳасида назорат бўйича инспекция тўғрисидаги низомларни тасдиқлаш ҳақида”ги 318-сонли қарорига асосан Ўзбекистон Республикаси ахборот технологиялари ва коммуникацияларини ривожлантириш вазирлиги билан келишилади.

Мазкур буйруқ 2-иловасининг 4-бандида кўрсатилган лавозимларга номзодларни тайинлаш ва лавозимдан озод этиш Ўзбекистон Республикаси Президентининг 2017 йил 19 январдаги “Юридик хизмат фаолиятини тубдан такомиллаштириш чора-тадбирлари тўғрисида”ги ПҚ-2733-сонли қарорига асосан Ўзбекистон Республикаси Адлия вазирлиги билан келишилади.

Мазкур буйруқ 2-иловасининг 5, 6, 7-бандларида кўрсатилган лавозимларга номзодларни тайинлаш ва лавозимдан озод этиш Ўзбекистон Республикаси Президентининг 2019 йил 11 июлдаги “Олий ва ўрта махсус таълим тизимига бошқарувнинг янги тамойилларини жорий этиш чора-тадбирлари тўғрисида”ги ПҚ-4391-сонли қарорининг 7-банди, в) кичик бандига асосан:

- ўқув ишлари бўйича проректор (филиал директори ўринбосари) лавозимига номзод Ўзбекистон Республикаси Олий ва ўрта махсус таълим вазирлиги;

- ёшлар масалалари ва маънавий-маърифий ишлар бўйича биринчи проректор (филиал директорининг биринчи ўринбосари) лавозимига номзод Ўзбекистон Республикаси Ёшлар ишлари агентлиги;

- илмий ишлар ва инновациялар бўйича проректор (филиал директори ўринбосари) лавозимига номзод Ўзбекистон Республикаси Инновацион ривожланиш вазирлиги билан келишилади.

11. Мазкур буйруқ 3-иловасининг 4, 5, 17, 18, 19, 20, 30, 31, 32-бандларида кўрсатилган лавозимларга номзодларни тайинлаш ва лавозимдан озод этиш 1-иловасининг II-бўлимида келтирилган ташкилотнинг ёзма розилигига асосан амалга оширилади.

12. Мазкур буйруқ 3-иловасининг 1 ва 3-бандларидаги лавозимларга номзодлар ишга қабул қилиш (лавозимга тайинлаш)да Ўзбекистон Республикаси Маданият вазирининг 2021 йил 12 мартдаги “Маданият вазирлиги марказий аппарати, ҳудудий бўлинмалар, тизимдаги ташкилотлардаги вакант лавозимларга ишга қабул қилиш, ходимларни бошқа лавозимга ўтказишда танлов асосида саралаб олиш тўғрисида”ги Тартибга асосан Маданият вазирлиги тизимидаги вакант лавозимларга ишга қабул қилиш, ходимларни бошқа лавозимга ўтказиш жараёнида шаффофликни таъминлаш, илғор халқаро стандартларга мувофиқ махсус электрон дастур асосида талабгор фуқаролар ва тизимда фаолият юритаётган ходимларининг барчасига тенг имкониятлардан фойдаланган ҳолда саралаб олиш тартиби белгиланади.

13. Мазкур буйруқ 3-иловасининг 2-бандидаги лавозимларга номзодлар Ўзбекистон Республикаси Вазирлар Маҳкамасининг 2021 йил 7 сентябрдаги 558-сон қарори билан тасдиқланган “Ўзбекистон Республикаси Маданият вазирлиги тўғрисида”ги Низомнинг 42-бандини 2 ва 3-кичик бандларига кўра вилоятлар маданият бошқармалари, Тошкент шаҳар маданият бош бошқармаси раҳбарларини ҳамда туман бўлими бошлиқларини лавозимга тайинлаш ва лавозимдан озод этиш — вилоятлар ва Тошкент шаҳар ҳокимлари ҳамда туман ҳокимлари билан келишган ҳолда Вазир томонидан амалга оширилади.

14. Мазкур буйруқ 3-иловасининг юқорида кўрсатилмаган бандларидаги лавозимларга номзодларни тайинлаш ва лавозимдан озод этиш Ўзбекистон Республикаси Вазирлар Маҳкамасининг 2021 йил 7 сентябрдаги 558-сон қарори билан тасдиқланган “Ўзбекистон Республикаси Маданият вазирлиги тўғрисида”ги Низомнинг 43-банди талабларига асосан амалга оширилади.

15. Мазкур буйруқ 4-иловасининг 4, 13, 15-бандларида кўрсатилган лавозимларга номзодларни тайинлаш ва лавозимдан озод қилиш учун тегишли ҳужжатлар Республика ташкилот, корхона ва муассасалари, Қорақалпоғистон Республикаси Маданият вазирлиги, вилоятлар ва Тошкент шаҳар маданият бошқармалари томонидан Маданият вазири номига хат билан тақдим қилинади.

16. Мазкур буйруқ 4-иловасининг 1, 2, 3-бандларида кўрсатилган лавозимларга номзодларнинг ҳужжатлари тегишлилиги бўйича тасарруфдаги олий таълим муассасалари томонидан Маданият вазири номига хат билан тақдим қилинади.

17. Мазкур буйруқ 4-иловасининг 9, 11, 13-бандларида кўрсатилган лавозимларга номзодларнинг ҳужжатлари Қорақалпоғистон Республикаси Маданият вазирлиги, вилоятлар ва Тошкент шаҳар маданият бошқармаларининг тақдимномаларига асосан юқори турувчи республика ташкилотлари томонидан Маданият вазири номига хат билан тақдим қилинади.

18. Мазкур буйруқ 4-иловасининг юқорида кўрсатилмаган бандларидаги лавозимларга номзодларнинг ҳужжатлари номзод ишга қабул қилиниши кўзда тутилган корхона, ташкилот ва муассаса томонидан Маданият вазири номига хат билан тақдим қилинади.

19. Мазкур буйруқ 4-иловасида келтирилган лавозимларга тақдим қилинган номзодларни ишга олиш (лавозимга тайинлаш) ва меҳнат шартномасини бекор қилиш (лавозимдан озод этиш) тегишлилиги бўйича вазир ўринбосарлари ёки вазирнинг розилик хатига (тақдимномасига) асосан амалга оширилади.

20. Мазкур буйруқ 3-4-иловасида келтирилган лавозимларга номзодлар тақдим қилинишида қуйидагилар:

- профессионал билим ва тажрибага, ташкилотчилик, танқидий ва ижодий фикрлаш, тизимли таҳлил қилиш қобилиятига эга бўлган, бошқариш маданиятининг қонуниятларига амал қила оладиган, бошқаришни маданият, одоб, ахлоқ нормаларига бўйсунган ҳолда олиб борадиган, жавобгарликни ўз зиммасига олишга қодир, янги инновацион ва креатив лойиҳалари билан муассаса ёки ташкилотни ривожлантира олиш хислатларига эга, коррупцияга қарши муросасиз курашиб, ҳалоллик вакцинасини тадбиқ эта оладиган номзодлар кўриб чиқирилишига;

- вазирлик тизимидаги муассаса ва ташкилотларнинг вакант бўлган раҳбарлик лавозимларига камида икки нафардан номзодлар тақдим этилишига;

- тақдимнома ёки тавсифнома (иш фаолияти, эришган ютуқлари ва шахсий сифатлари ҳақида маълумотлар ёритилиши лозим), маълумотнома (иш фаолиятидаги ўсиш ва пасайиш сабаблари ёритилади), шу билан бирга номзоднинг объективка-маълумотномаси, паспорт ва диплом (лавозими махсус малака талаб қилса) нусхаси илова қилиниши шартлигига;

- раҳбар номзодлар томонидан (ўринбосарлар бундан мустасно) муассаса ёки ташкилотни ривожлантиришга қаратилган ўзида янги инновацион ва креатив лойиҳаларни қамраб олган 2 йилга мўлжалланган “Истиқболли ҳаракатлар дастури” ишлаб чиқилиб, вазирликка тақдим этилишига;

тавсия этилаётган раҳбар номзодларга “Истиқболли ҳаракатлар дастури”ни ишлаб чиқишлари учун муассаса ёки ташкилот фаолиятини уларнинг ёзма сўровига асосан бир ой мобайнида эркин кузатувчи сифатида ўрганишларига тегишли шароит яратиб берилишига эътибор қаратилади.

Шунингдек, юқорида қўйилган талабларнинг тўлиқ бажарилмаслиги (ҳужжатларнинг барчаси тақдим этилмаслиги) номзодларнинг ҳужжатларини кўриб чиқилмасдан қайтарилишига асос бўлади.

21. Мазкур буйруқ 3-4-иловасида келтирилган лавозимларга суҳбатдан мувофиқиятли ўтган раҳбар номзоднинг “Истиқболли ҳаракатлар дастури” Вазир

ёки тегишли вазир ўринбосарлари томонидан тасдиқланиб, унда белгиланган ишларнинг бажарилишини ҳар йили ишчи гуруҳ тузилган ҳолда ўрганиб бориш йўлга қўйилади ва ўрганиш натижасига кўра, дастур бандларини бажармаган раҳбарнинг лавозимига лойиқлик масаласи кўриб чиқилади.

22. Мазкур буйруқнинг 4-иловасида келтирилган лавозимлар вакант бўлганда 6 ойдан кўп бўлмаган муддатда (ушбу муддатдан ортиқ вакант лавозимда вақтинча вазифасини бажарувчи сифатида фаолият юритилишига йўл қўйилмайди) муносиб номзодларни тақдим этиш ва тайинлаш чоралари кўрилиши лозим.

Алоҳида ҳолларда ушбу бандда кўрсатилган муддатни узайтириш вазирликнинг розилик хатига асосан амалга оширилади.

IV. Ходимларнинг шахсий йиғма жилдлари.

24. Белгиланган тартибда лавозимга тайинланган ходимларнинг меҳнат дафтарчалари ходимнинг иш ҳақи оладиган жойда юритилади.

25. Меҳнат дафтарчасига ёзувлар қонун ҳужжатларига мувофиқ ходим иш ҳақи оладиган корхона, ташкилот, муассасанинг кадрлар нозири ёки мазкур вазифа юклатилган шахс томонидан киритилиб, корхона муҳри билан расмийлаштирилади.

26. Мазкур буйруқ 1,2,3-иловаларидаги ходимларнинг шахсий йиғма жилдлари вазирликнинг Кадрлар бошқармасида сақланади.

27. Шахсий йиғма жилдда қуйидагилар бўлиши мақсадга мувофиқ:

- Буйруқлар,
- Меҳнат шартнома ва иловалари;
- Сўровнома, таржимаи ҳол;
- Паспорт нусхаси (хорижий чиқиш паспорти);
- ИНН нусхаси;
- Пенсия дафтарчаси нусхаси;
- ҳарбий гувоҳнома нусхаси (ҳарбий хизматга мажбурлар учун);
- 3х4 ва 4х5 орқа фони оқ рангда бўлган 4 тадан фотосуратлар (эркаклар қора кастюм, оқ кўйлак ва қора галстук; аёллар оқ кофта ва қора нимча сочи йиғилган ва турмакланган, тақинчоқ, зеб-зийнатларсиз бўлиши лозим);
- диплом гувоҳнома ва унинг иловаси нусхаси;
- тақдимнома (иш фаолияти бўйича);
- Истикболли ҳаракатлар дастури, концепция (мавжуд бўлса);

28. Мазкур тартибнинг 15, 16, 17-бандларига мувофиқ ходимларнинг тегишли ҳужжатлари вазирликнинг манфаатдор бошқармаларида, шунингдек Кадрлар бошқармасида ҳам сақланади.

IV. Якуний қоидалар.

29. Тегишли лавозимларга номзодлар қай тарзда тайинланган бўлса, лавозимидан озод қилиш ҳам шу тарзда амалга оширилади.

30. Тегишли лавозимларга тавсия этилган номзодлар юзасидан Маданият вазирлиги томонидан тегишли ташкилотлардан, ижрочилардан, ваколатли вазир ўринбосарларидан ёки вазирлик марказий аппаратининг манфаатдор

бошқармаларидан тавсифнома, кафолат хат номзоднинг ўзидан тавсия этилаётган лавозим юзасидан шахсий концепцияси сўралиши мумкин.

31. Мазкур йўриқнома талабларига амал қилмаган мутасаддилар қонун ҳужжатларига мувофиқ жавобгарликка тортилади.